

■ GLOSSA

Pledoyer per Carl il Grond

(en directa da la sala dal cussegl grond)

DA SILVIO CAMENISCH

Nus commemorain noss sontg e barbar Carl il Grond, in'otra letga n'avain nus betg. U che nus commemorain noss barbar e sontg Carl il Grond u che nus ristgain insatge. Nus deputads ristgain nossa proxima nunelecziun. Lain nus quai? Lain nus betg. Fiss ina tupadad, ristgar insatge, la nunelecziun, da betg avair commemorà noss barbar e sontg, sontg e barbar (che van gea bain enina) Carl il Grond.

Quai che jau di qua en sala plenara dal cussegl grond pitschen è insatge auter n'è naging sforz. Tgi tschantscha da sforz? Nötigung. Nus commemorain Sia grondezza Carl il Grond: per reguardar, engraziar, animar e pajar pajar. A Sua immagine duai avair lieu en l'entir chantun!, mintga chantun, entgarna, balcun tort, garscha, uigl, remisa, uffcinas da la Viafier retica, tegia da vault, galaria, tunnel, pastrign, tigna da bogn per sigls en l'aua chauda betg memia pitschen per commemorar il Grond.

Nus avain fatg el Grond ed ussa na vegnin nus betg libers pli da Sia grondezza! Tge malengraziaivla assemblea chantunala uffiziala!, na duess ella betg commemorar Sia grondezza, Carl il



Grond quest onn èsi il 1200avel onn da mort. E Sia grondezza sa lascha vesair (la mia main): «Nationalheld und Heiliger, grausame Kriegsgurgel und Kulturförderer, Begründer der monastischen Kultur Europas und Frauenverbraucher» di il Mathias Balzer (Südostschweiz, 28 da nov. 2013)

Quest grond um u um grond, Carl il Grond, tge che ti vul, ha duvrà las dunnas per sia chaussa. Mia chaussa n'èsi uss betg da ma maschadar en sia chaussa, da quest Grond, pitschen è insatge auter. Nus avain fatg el grond u han dunnas duvradas u nizzegiadas tras el e cun el ed en ellas en la tigna dator il chastè cun chaplutta (da chastè) fatg el grond? L'onn da Carl, das Karlsjahr, dastga, duai render quint da sia grondezza, custa insatge al chantun, il racherun. Las deputadas dastgan uss sa

mussar spendablas: n'ha betg in duvrà las dunnas sco Carl il Grond u bain: papa Borgia! er uschia in grond. So dunnas, stuais vus as decider è el voss favuri.

Na commemorain nus betg degnamain e nus pajain pajain pajain! Ses 1200avel onn da mort (mes onn da mort n'èsi anc betg, jau hai pazienza, poss er spetgar anc in pitschen mument) dal Carl il Grond, ves jau nair per il lieu d'industria e turissem Grischun! Ina cultura sa definescha pir che mai da quants letgs chauds d'hotellaria, pensiuns entiras e tut quai che tutga tiers ch'il giast dumonda: sigls en l'aua chauda, chandlelight-dinner, scursalar (ascensiuns cun maschinas da pista, descensiuns cun faclas) e sco finiziun dal di il complet.

A mai va la cultura, la Ahura, speras or. Da qua en, da qua or! Cun mias paupras gossas gnanc en «il ver lungatg», gea vair, vegn jau betg grond. Tur da signal, che l'assemblea chantunala fiss sfurza da genötigt! da pajar pajar pajar a mai! a mai! a mai! u che jau quintass avant a quella ils donns e las sperdidas. En sasez dastgass jau metter a quint ad ella spesas e spesas extra; fan auters adina tar ella, vegnan or grond. Jau stun pitschen.